



Broj:05-16-5366-5/23
Sarajevo, 11.05.2023 godine

STRUČNA SLUŽBA VLADE KANTONA SARAJEVO

- OVDJE -

PREDMET: Izjašnjenje u vezi pokrenute inicijative Zastupnice Elze Gaković, a u vezi zahtjev za izvanrednom revizijom poslovanja Energoinvesta d.d. Sarajevo, od strane Ureda za reviziju u Federaciji Bosne i Hercegovine sa akcentom na prihode od prodaje prirodnog gasa.

Poštovani,

Zastupnica u Skupštini Kantona Sarajevo je u skladu sa Poslovníkom Skupštine Kantona Sarajevo na 7 (sedmoj) Redovnoj sjednici, održanoj dana 19.04.2023. godine, u okviru tačke Dnevnog reda, uputila slijedeću zastupničku inicijativu.

"Upućujem inicijativu da se putem Vlade Kantona Sarajevo uputi zahtjev Ureda za reviziju u Federaciji Bosne i Hercegovine da izvrši izvanrednu reviziju cijene gasa kod snabdjevača gasom Energoinvest d.d Sarajevo".

S obzirom da pokrenuta inicijativa zastupnice Skupštine Kantona Sarajevo tretira poslove iz nadležnost Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, predlažemo a ujedno se i izjašnjavamo da je neophodno da Ured za reviziju u Federaciji Bosne i Hercegovine izvrši izvanrednu reviziju cijene gasa kod snabdjevača gasom Energoinvest d.d Sarajevo, te da se traži postupanje na pokrenutu inicijativu.

Takoder, i u samom obrazloženju zastupnica se osvrnula na činjenicu da je Vlada Kantona Sarajevo podržalo resorno ministarstvo u pogledu zahtjeva za dodatno smanjenje cijene gasa, jer bi se time smanjili preveliki troškovi koje imaju korisnici prirodnog gasa u Kantonu Sarajevo.

Glavni snabdjevač i uvoznik gasa u Federaciji Bosne i Hercegovini, Energoinvest d.d. Sarajevo prema krajnjim kupcima ostvaruje mnogo veću razliku između prodajne i nabavne cijene, te smatramo, imajući cijene prirodnog gasa na globalnom tržištu, da postoji prostora za znatnu korekciju cijene ovog energenta u korist korisnika usluge KJKP "Sarajevogasa" d.o.o. Sarajevo, korisnika u Kantonu Sarajevo.

Želimo napomenuti i to da zbog trenutnih ekstremno visokih cijena prirodnog gasa dolazi i do značajnog pada potrošnje. te ističemo na zabrinjavajuće podatke da trenutno u Sarajevu postoji preko 10.000 priključaka na kojima je registrovana potrošnja gasa na razini nula (0). a da dodatnih 10.000 priključaka se registruje veoma mala potrošnja prirodnog gasa.

Također, važno je istaći da je teritorije Kantona Sarajevo zbog svojih specifičnih geografskih uslova i izvora zagađenja predstavlja posebnu cjelinu u smislu kvaliteta zraka i da ovo ministarstvo kontinuirano kroz razne programe primjenjuje različite mjere zaštite i poboljšanju kvaliteta zraka u Kantonu Sarajevo koje su indirektno su povezane sa glavnim izvorima zagađivačima zraka kao što su saobraćaj, industrija, sistemi za zagrijavanje stanova, poslovnih i proizvodnih prostora, a glavne zagađujuće materije su sumpor dioksid, azot dioksid i oksidi azota, lebdeće/suspendovane čestice (PM10, PM2,5), ugljen monoksid itd.

U skladu sa zakonskim i podzakonskim propisima svi učesnici u sektoru gasa dužni su planirati i poduzimati mjere za sigurno snabdijevanje gasom u skladu s propisanim standardima snabdijevanja gasom i odgovorni su za sigurnost snabdijevanja gasom u okviru svoje djelatnosti.

S tim u vezi i Kanton Sarajevo kao odgovorna strana dužna za praćenje odnosa između ponude i potražnje gasa na svom području, za izradu procjena buduće potrošnje i raspoložive ponude, planiranja izgradnje dodatnih kapaciteta i razvoja distribucijskog sistema na svom području, predlaže i poduzima mjera u okviru svojih nadležnosti kako bi u budućnosti, počev od naredne sezone grijanja, potrošnja gasa bila što više zastupljena u energetsom smislu to je potrebno uticati na snabdjevača da smanji cijenu prirodnog gasa.

Uvažavamo inicijativu zastupnice i podržavamo da Ureda za reviziju u Federaciji Bosne i Hercegovine utvrdi razliku između prodajne i nabavne cijene prirodnog gasa kod Energoinvesta d.d. Sarajevo po osnovu prodaje prirodnog gasa.

Nadamo se da ste zadovoljni naprijed navedenim izjašnjenjem, a ukoliko je potrebno dodatno pojašnjenje stojimo na raspolaganju.

S poštovanjem,

Prilog: Navedeni



Dostaviti:

1. Naslovu,
2. Evidencija,
3. Arhiva.

